

## ხელშეკრულება

სახელმწიფო შესყიდვის შესახებ № \_\_\_\_\_

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“\_\_\_\_\_“, 2019 წ.

**შემსყიდველი:** საქართველოს განათლების, მეცნიერების, კულტურისა და სპორტის სამინისტრო, წარმოდგენილი ეკონომიკური დეპარტამენტის უფროსის ----- სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

**მიმწოდებელი:** -----, წარმოდგენილი მისი დირექტორის ----- სახით,

მისამართი: -----

საბანკო რეკვიზიტები: -----

საიდენტიფიკაციო კოდი -----

ერთი მხრივ - შემსყიდველი და მეორე მხრივ - მიმწოდებელი, N NAT----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

### 2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს საქართველოს ზოგადსაგანმანათლებლო დაწესებულებების 2018-2019 აკადემიური წლის მდგომარეობით მე-8, მე-9, მე-10, მე-11 კლასების 150 მოსწავლისთვის საქართველოში „ქართული ენის საზაფხულო სკოლის“ მოწყობის მომსახურების (CPV: 80400000) შესყიდვა, წინამდებარე ხელშეკრულებისა და NAT ----- ელექტრონული ტენდერის პირობების შესაბამისად.

### 3. ხელშეკრულების ჯამური ღირებულება

3.1 ხელშეკრულების ღირებულება შეადგენს ----- (დაზუსტდება ხელშეკრულების გაფორმების მომენტისთვის) ლარს:

| N | აქტივობის დასახელება         | განზომილება            | ერთეულის რაოდენობა | ერთეულის ფასი | სულ ფასი |
|---|------------------------------|------------------------|--------------------|---------------|----------|
| 1 | სამუშაო და სასწავლო მასალები | მოსწავლე/2 მიმართულება | 150/2              |               | 0        |

|                           |                                                                                           |                                  |       |  |          |
|---------------------------|-------------------------------------------------------------------------------------------|----------------------------------|-------|--|----------|
| 2                         | საზაფხულო სკოლის მოსწავლეთა ტრანსპორტირების ხარჯი                                         | პაკეტი                           | 1     |  | 0        |
| 3                         | ტრენერი/მასწავლებლების მომსახურების ხარჯი                                                 | მასწავლებელი/ნაკადი              | 6/2   |  | 0        |
| 4                         | ჯგუფის ლიდერების მომსახურების ხარჯი                                                       | ლიდერი/ნაკადი                    | 6/2   |  | 0        |
| 5                         | საზაფხულო სკოლის მენეჯერის მომსახურების ხარჯი                                             | მენეჯერი/ნაკადი                  | 1/2   |  | 0        |
| 6                         | ადმინისტრაციული ასისტენტის მომსახურების ხარჯი                                             | ადმინისტრაციული ასისტენტი/ნაკადი | 1/2   |  | 0        |
| 7                         | მოსწავლეთა სერტიფიკატების ხარჯი                                                           | მოსწავლე/ნაკადი                  | 150/2 |  | 0        |
| 8                         | პირველადი სამედიცინო დახმარების ნივთების ხარჯი                                            | მოსწავლე/ ნაკადი                 | 150/2 |  | 0        |
| 9                         | მონაწილეთა დაზღვევა (სამოგზაურო)                                                          | მოსწავლე/ ნაკადი                 | 150/2 |  | 0        |
| 10                        | ექსკურსიის ხარჯი (დელფინარიუმი)                                                           | მოსწავლე/ ნაკადი                 | 150/2 |  | 0        |
| 11                        | ექსკურსიის ხარჯი (ბოტანიკური ბაღი)                                                        | მოსწავლე/ ნაკადი                 | 150/2 |  | 0        |
| 12                        | ექსკურსიის ხარჯი (ბათუმის აკვარიუმი)                                                      | მოსწავლე/ნაკადი                  | 150/2 |  | 0        |
| 13                        | ექსკურსიის ხარჯი (ქ.ბათუმი)                                                               | მოსწავლე/ნაკადი                  | 150/2 |  | 0        |
| 14                        | სპორტული, სახელოვნებო და შემეცნებით-გასართობი აქტივობების ხარჯი ( მათ შორის საკანცელარიო) | მოსწავლე/ნაკადი                  | 150/2 |  | 0        |
| <b>ჯამური ღირებულება:</b> |                                                                                           |                                  |       |  | <b>0</b> |

3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

#### 4. მომსახურების გაწევის პირობები და მხარეთა უფლება-მოვალეობები

საზაფხულო სკოლაში მონაწილეობას მიიღებენ 2018-2019 სასწავლო წლის მდგომარეობით, საქართველოს ზოგადსაგანმანათლებლო დაწესებულებების მე-8, მე-9, მე-10, მე-11 კლასების 150 (შემსყიდველის მიერ მიწოდებული სიის საფუძველზე) მოსწავლე. „ქართული ენის საზაფხულო სკოლა“ განხორციელდება 2019 წლის 18 აგვისტოდან 31 აგვისტოს ჩათვლით, 1 ნაკადად; ნაკადის ხანგრძლივობა იქნება 14 დღე.

საზაფხულო სკოლის განხორციელებისათვის მიმწოდებელმა ორგანიზაციამ უნდა უზრუნველყოს შემდეგი ღონისძიებების გატარება:

მიმწოდებელმა მოსწავლეები უნდა უზრუნველყოს საინტერესო პროგრამებით და დღის მეორე ნახევრის აქტივობებით. მათში ინტეგრირებული უნდა იყოს როგორც საგანმანათლებლო კომპონენტი ქართული ენის პოპულარიზაციის მიმართულებით, ასევე სპორტული ღონისძიებები/თამაშები, ექსკურსიები.

მომსახურების გაწევისას მიმწოდებელმა უნდა გაითვალისწინოს როგორც კულტურათა შორის დიალოგისა და სამოქალაქო ინტეგრაციის ხელშეწყობი ტრენინგების/ ინტერაქტიული სასწავლო კურსების, ასევე არაკადემიურ პროგრამების შემუშავება- განხორციელება.

- მიმწოდებელმა მოსწავლეებს უნდა შესთავაზოს პროგრამით გათვალისწინებული **შემეცნებით-გასართობი აქტივობები და ექსკურსიები** დელფინარიუმში, აკვარიუმში, ბოტანიკურ ბაღში და ქ. ბათუმში. (ექსკურსიებზე ტრანსპორტირებას განახორციელებს მიმწოდებელი).

- **ტრანსპორტირება** - „ქართული ენის საზაფხულო სკოლის“ მონაწილეების ტრანსპორტირებას ავტობუსებით / მიკროავტობუსებით რაიონული ცენტრებიდან საზაფხულო ბაზის მიმართულებით და დასრულებისას (უკან) ისევ რაიონულ ცენტრებში მოახდენს მიმწოდებელი:

| რეგიონი/ რაიონი | ჩაყვანის<br>თარიღი | წამოყვანის<br>თარიღი | რეგიონის უკიდერესი<br>რაიონები |
|-----------------|--------------------|----------------------|--------------------------------|
| თბილისი         | 18.08.2018         | 31.08.2018           | თბილისი                        |
| კახეთი          | 18.08.2018         | 31.08.2018           | ლაგოდეხი                       |
| სამცხე-ჯავახეთი | 18.08.2018         | 31.08.2018           | ნინოწმინდა                     |
| ქვემო ქართლი    | 18.08.2018         | 31.08.2018           | დმანისი                        |

მიმწოდებელმა მონაწილეების გადაყვანა უნდა განახორციელოს ყველა სატრანსპორტო წესების დაცვით და გათვალისწინებით).

მიმწოდებლის მიერ მგზავრთა გადაადგილებისათვის საჭირო სატრანსპორტო საშუალებები უნდა იყოს კომფორტული, დასუფთავებული, თანამედროვე სტანდარტების შესაბამისი, საქალაქთაშორისო ან ტურისტული სალონით აღჭურვილი, ტექნიკურად გამართულ (მუშა) მდგომარეობაში.

ასევე, მგზავრთა გადაადგილებისათვის საჭირო სატრანსპორტო საშუალებები აღჭურვილი უნდა იყოს გათბობა/გაგრილებისა და ვენტილიაციისათვის საჭირო სისტემით (კონდიციონერი). ავტოსატრანსპორტო საშუალებებზე არ უნდა იყოს დამატებით დამონტაჟებული სხვადასხვა სახის საწვავის აპარატურა თუ სხვა მოწყობილობა. მომსახურების გაწევისათვის გამოყენებული სატრანსპორტო საშუალება უნდა აკმაყოფილებდეს საქართველოს კანონმდებლობით გათვალისწინებული ყველა ნორმასა და მოთხოვნას.

ავტოსატრანსპორტო საშუალებებში მგზავრთა ჩასხდომა-გადმოსხდომა უნდა განხორციელდეს ავტოსატრანსპორტო საშუალების სავალი ნაწილის მარჯვენა ნაპირთან.

მიმწოდებელი ვალდებულია პასუხი აგოს მგზავრთა უსაფრთხო გადაყვანაზე. მიმწოდებელი ვალდებულია განახორციელოს ყველა სატრანსპორტო ოპერაცია და პროცედურა (სათანადო დოკუმენტაციის მომზადება, სატრანსპორტო საშუალების გამართულ მდგომარეობაში ყოფნა და ა. შ.) მგზავრთა დროულად და უსაფრთხოდ გადაყვანისათვის. სატრანსპორტო საშუალების დაზიანების შემთხვევაში მიმწოდებელი ვალდებულია დაუყოვნებლივ უზრუნველყოს ალტერნატიული ავტოსატრანსპორტო საშუალებით ჩანაცვლება.

მძღოლები საქართველოს კანონმდებლობის შესაბამისად უნდა ფლობდნენ შესაბამისი კლასის მართვის მოწმობებს.

- საგანმანათლებლო პროგრამის ფარგლებში ჩართული (ტრენერი, ლიდერი, მენეჯერი, ადმინისტრაციული ასისტენტი) **პერსონალი** - ქართული ენის პოპულარიზაციის მიზნით, მოსწავლეების რაოდენობიდან გამომდინარე, მიმწოდებელი ვალდებულია შეარჩიოს საჭირო რაოდენობის ტრენერები და ლიდერები, რომლებიც გადანაწილებული იქნებიან შემდეგი პროპორციით: 1 ტრენერი და 1 ლიდერი მოემსახურება არაუმეტეს 20/21 მოსწავლეს. სულ საზაფხულო სკოლას ეყოლება 7 მასწავლებელი/ტრენერი, და 7 ლიდერი. აქტივობების შეუფერხებელი ფუნქციონირებისა და მართვის მიზნით, მიმწოდებელს ასევე უნდა ჰყავდეს 1 მენეჯერი და 1 ადმინისტრაციული ასისტენტი.

- საზაფხულო სკოლის დაწყებამდე, მიმწოდებელი უფლებამოსილია უზრუნველყოს წინასწარ შერჩეული ტრენერებისთვის/ ლიდერებისთვის **ინსტრუქტაჟის** ჩატარება.

შემსყიდველი უზრუნველყოფს არაუმეტეს 25 მოსწავლეზე -1 **მანდატურის** გამოყოფას (სულ 6 მანდატური).

• საზაფხულო სკოლის ბაზა უზრუნველყოფილი უნდა იყოს მსუბუქი სპორტული ინვენტარით, საჭირო საკანცელარიო საქონლით, შესაბამისი ტექნიკური საშუალებებითა და პირველადი სამედიცინო დახმარების ნივთებით. მიმწოდებელმა უნდა განახორციელოს მოსწავლეთა სამედიცინო დაზღვევა (სამოგზაურო დაზღვევა).

საზაფხულო სკოლის ადმინისტრაციამ უნდა შეიმუშაოს შინაგანაწესი, რომლის დაცვაც სავალდებულო იქნება მონაწილეთათვის.

კურსის დასრულების შემდეგ, ყოველი მონაწილე მიიღებს საქართველოს განათლების, მეცნიერების, კულტურისა და სპორტის მინისტრისა და საზაფხულო სკოლის განმახორციელებელი ორგანიზაციის მიერ დამოწმებულ სერტიფიკატს, რომლის ფორმა წინასწარ იქნება შეთანხმებული საქართველოს განათლების, მეცნიერების, კულტურისა და სპორტის სამინისტროსთან. (სერტიფიკატის მომზადებას უზრუნველყოფს მიმწოდებელი).

შენიშვნა: „ქართული ენის საზაფხულო სკოლის“ მონაწილეების კვებისა და ღამისთევის ხარჯებს უზრუნველყოფს სსიპ - ხელვაჩაურის მუნიციპალიტეტის სოფელ სალიბაურის №2 საჯარო სკოლა სამინისტროს მიერ გამოყოფილი დაფინანსების ფარგლებში, სკოლის მიერ წარმოდგენილი შესაბამისი ხარჯთაღრიცხვის მიხედვით.

მიმწოდებელმა უნდა უზრუნველყოს საზაფხულო სკოლაში საჭირო რაოდენობის პერსონალის დაქირავება და დაგეგმილი აქტივობების გათვალისწინებით, საკანცელარიო, სპორტული და სხვა სახის ინვენტარითა და აღჭურვილობით უზრუნველყოფა.

## 5. მომსახურების გაწევის ვადა და ადგილი

5.1 მომსახურება განხორციელდება 2019 წლის 18 აგვისტოდან 31 აგვისტოს ჩათვლით, 1 ნაკადად; ნაკადის ხანგრძლივობა იქნება 14 დღე.

5.2 მომსახურების გაწევის ადგილია: აჭარის ავტონომიური რესპუბლიკა, სსიპ- ხელვაჩაურის მუნიციპალიტეტის სოფელ სალიბაურის N2 საჯარო სკოლის ბაზა.

## 6. ანგარიშსწორების ფორმა და ვადები

6.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

6.2 ანგარიშსწორება განხორციელდება მომსახურების დასრულების შემდეგ, ფაქტიურად გაწეული მომსახურების შესაბამისად, მხარეებს შორის მიღება-ჩაბარების აქტის გაფორმების საფუძველზე.

6.3 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 სამუშაო დღის განმავლობაში.

6.4 წინასწარი ანგარიშსწორება არ გამოიყენება.

6.5 დაფინანსების წყაროს წარმოადგენს 2019 წლის სახელმწიფო ბიუჯეტი, პროგრამა „დავისვენოთ და ვისწავლოთ ერთად“ (პროგრამული კოდი 320207).

## 7. შესყიდვის ობიექტის მიღება-ჩაბარების წესი

7.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

7.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 მუხლის 8.1 პუნქტით განსაზღვრული კონტროლის განმახორციელებელი პირის დასკვნა.

7.3 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს -----  
----- (დაზუსტდება ხელშეკრულების გაფორმების მომენტისთვის).

## 8. ხელშეკრულების შესრულების კონტროლი

8.1 ხელშეკრულების შესრულების კონტროლს განახორციელებს ----- (დაზუსტდება ხელშეკრულების გაფორმების მომენტისთვის).

8.2 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს და შესაბამისი დასკვნით ადასტურებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.3 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

8.4 თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## **9. ხელშეკრულების პირობების შეუსრულებლობა**

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.

9.5 წინამდებარე ხელშეკრულების მე-6 მუხლის 6.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

## **10. ხელშეკრულებაში ცვლილებების შეტანა და ხელშეკრულების შეწყვეტა**

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## **11. ფორს-მაჟორი**

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემზარგოს დაწესება, სახელწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

## **12. დავები და მათი გადაწყვეტის წესი**

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## **13. ინტერესთა კონფლიქტი**

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

## **14. ხელშეკრულების მოქმედების ვადა**

14.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 30 ნოემბრის ჩათვლით.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

## **15. ზოგადი დებულებები**

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

**შემსყიდველის მხრიდან:**

**მიმწოდებლის მხრიდან:**

ეკონომიკური დეპარტამენტის უფროსი

-----

-----

-----